

续古逸丛书

南华真经

侯古通生本

南华真经

宋刊南華真經

續古逸叢書之二

南華真經卷一至六南宋本卷七
至十北宋本珠聯璧合首尾完善
上海涵芬樓印行遠近翻刻必究

南華真經序

河南郭

象

子玄

撰

夫莊子者可謂知本矣故未始藏其狂言言雖无會而獨應者也夫應而非會則雖當無用言非物事則雖高不行與夫寂然不動不得已而後起者固有間矣斯可謂知無心者也夫心無爲則隨感而應應隨其時言唯謹爾故與化爲體流萬代而冥物豈曾設對獨遘而游談乎方外哉此其所以不經而爲百家之冠也然莊生雖未體之言則至矣通天

地之統序萬物之性達死生之變而明內聖
外王之道上知造物无物下知有物之自造
也其言宏綽其旨玄妙至至之道融微旨雅
泰然遣放放而不教故曰不知義之所適猖
狂妄行而蹈其大方含哺而熙乎澹泊鼓腹
而游乎混芒至人極乎無親孝慈終於兼忘
禮樂復乎已能忠信發乎天光用其光則其
朴自成是以神器獨化於玄冥之境而源流
深長也故其長波之所蕩高風之所扇暢乎
物宜適乎民願弘其鄙解其懸灑落之功未

加而矜夸所以散故觀其書超然自以爲已
當經崐崙涉太虛而游惚恍之庭矣雖復貪
婪之人進躁之士暫而攬其餘芳味其溢流
彷彿其音影猶足曠然有忘形自得之懷況
探其遠情而玩永年者乎遂繚邈清遐去離
塵埃而返冥極者也

南華真經篇目

第一卷

內篇

逍遙遊

齊物論

第二卷

養生主

人間世

德充符

第三卷

大宗師

應帝王

第四卷

外篇

駢母

馬蹄

肱篋

在宥

第五卷

天地

天道

天運

第六卷

刻意

繕性

秋水

至樂

第七卷

達生

山木

田子方

知北遊

第八卷

雜篇

庚桑楚

徐无鬼

則陽

第九卷

外物

寓言

讓王

盜跖

第十卷

說劍

漁父

列御寇

天下

南華真經篇目終

南華真經卷第一

郭象 子玄 註 陸德明 音義

莊子內篇逍遙遊第一

夫小大雖殊而放於自得之場則物任其性事稱其能各

當其分逍遙一也豈容勝負於其間哉。音義曰內篇內者對外立名說文云篇書也字從竹從升者草名耳非也逍音銷亦作消遙如字亦作搖遊如字亦作游逍遙遊者篇名義取間放不拘怡適自得夫音符場直良反稱尺證反當丁浪反分符問反

北冥有魚其名為鯢鯢之大不知其幾千里也

化而為鳥其名為鵬

鵬鯢之實吾所未詳也夫莊子之大意在乎逍遙遊放無為而自得

故極小大之致以明性分之適達觀之士宜要其會歸而遺其所寄不足事事曲與生說自不害其弘旨皆可略之。北冥本亦作溟鳬經反北海也嵇康云取其溟漠无涯也梁簡文帝云溟冥无極故謂之冥東方朔十洲記云水黑色謂之冥海无風洪波百丈鯢徐音昆李侯温反大魚名也崔譔云鯢當為鯨簡文同幾居豈反下同鵬步登反徐音朋郭甫登反崔音鳳云鵬

即古鳳字非來儀之鳳也說文云朋及鵬皆古文鳳字也朋鳥象形鳳飛羣鳥從以萬數故以鵬為朋黨字字林云鵬朋黨也古以為鳳字夫音符發句之端皆同分符問反下皆同觀古亂反要一遙反

千里也怒而飛其翼若垂天之雲是鳥也海運

則將徙於南冥南冥者天池也非冥海不足以運其身非九萬里不足以

負其翼此豈好奇哉直以大物必自生於大處大處亦必自生此大物理固自然不患其失又何措心於其間哉。垂天之雲

司馬彪云若雲垂天旁崔云垂猶邊也其大如天一面雲也海運司馬云運轉也向秀云非海不行故曰海運簡文云運徙也

好呼報反下皆同廐昌慮反下同厝七故反本又作措齊諧者志怪者也諧之

言曰鵬之徙於南冥也水擊三千里搏扶搖而

上者九萬里夫翼大則難舉故搏扶搖而後能上九萬里乃足自勝耳既有斯翼豈得決然而起數仞

而下哉此皆不得不然非樂然也。齊諧戶皆反司馬及崔並云人姓名簡文云書志怪志記也怪異也水擊崔云將飛舉

逍遙遊

擊水踉蹌也踉音亮蹌音七亮反搏徒端反司馬云搏飛而上也一音搏崔云拊翼徘徊而上也扶搖徐音遙風名也司馬云

上行風謂之扶搖爾雅云扶搖謂之騰郭璞云暴風從下上也上時掌反註同勝音升下同決喜缺反下同數色主反下同樂

音嶽又去以六月息者也夫大鳥一去半歲至天池而息小鳥一飛半朝搶榆枋而止此

比所能則有間矣其於適性一也○搶七羊反枋音方野馬也塵埃也生物之以

息相吹也此皆鵬之所憑以飛者耳野馬者遊氣也野馬司馬云春月澤中遊氣也崔云天地間氣如野馬馳

也埃音哀崔云天地間氣蒼鬱似塵埃揚也吹如字崔本作炊馮皮冰反本亦作憑天之蒼蒼其正

色邪其遠而無所至極邪其視下也亦若是則

已矣今觀天之蒼蒼竟未知便是天之正色邪天之為遠而無極邪鵬之自上以視地亦若人之自此視天則止而

圖南矣言鵬不知道里之遠近趣足以自勝而逝邪也嗟反助句不定之辭後放此且夫水之積

也不厚則負大舟也無力覆杯水於坳堂之上

則芥爲之舟置杯焉則膠水淺而舟大也

鵬之目明

以高飛者翼大故耳夫質小者所資不待大則質大者所用不得小矣故理有至分物有定極各足稱事其濟一也若乃失乎忘生之主而營生於至當之外事不任力動不稱情則雖垂天之翼不能無窮決起之飛不能無困矣。夫音符覆芳服反杯崔本作盃塲於交反又爲了反李又伊九反崔云堂道謂之塲司馬云塗地令平支遁云謂有塲埳形也芥吉邁反徐古邁反一音古黠反李云小草也膠徐李古孝反一音如字崔云膠著地也李云黏也稱尺證反後同濟子細反本又作齊如字之生本亦作主字當

丁浪反後皆同風之積也不厚則其負大翼也無力

故九萬里則風斯在下矣而後乃今培風背負

青天而莫之夭闕者而後乃今將圖南

夫所以乃今將圖南

者非其好高而慕遠也風不積則夭闕不通故耳此大鵬之遙也。培音裴重也徐扶杯反又父宰反一音扶北反本或作陪風絕句背負青天一讀以背字屬上句夭於表反司馬云折也闕徐於葛反一音謁司馬云止也李云塞也

蜩與

逍遙遊

學鳩笑之曰我決起而飛捨榆枋時則不至而

控於地而已矣奚以之九萬里而南為苟足於其性則雖大

鵬无以自貴於小鳥小鳥无羨於天地而榮願有餘矣故小大雖殊逍遙一也。蜩音條司馬云蟬學鳩如字一音於角反本

又作鸞音同本或作鸞音預崔云學讀為滑滑鳩一名滑雕司馬云學鳩小鳩也李云鸛鵬也毛詩草木疏云鸛鳩班鳩也簡

文云月令云鳴鳩拂其羽是也決向徐喜缺反李呼穴反李順云疾貌捨七良反司馬李云猶集也崔云著也支遁云捨突也

榆徐音踰木名也枋徐音方李云檀木也崔云本也或曰木名控苦貢反司馬云投也又云引也崔云叩也適莽

蒼者三滄而反腹猶果然適百里者宿舂糧適

千里者三月聚糧所適彌遠則聚糧彌多故其翼彌大則積氣彌厚也。莽莫浪反或莫郎

反蒼七湯反或如字司馬云莽蒼近郊之色也李云近野也支遁云家間也崔云草野之色滄七丹反果徐如字又苦火反眾

家皆云飽貌春東谷反糧音良之二蟲又何知二蟲謂鵬蜩也對大為小所以均異趣也

以異豈知異而異哉皆不知所以然而小知不及大知小
自然耳自然耳不爲也此逍遙之大意
年不及大年物各有性性各有極皆如年知豈豈尚之所及哉自此已下至于列子歷舉年知之大小
各信其一方未有足以相傾者也然後統以无待之人遺彼忘
我冥此羣異異方同得而我无功名是故統小大者无小无大
者也苟有乎小大則雖大鵬之與斥鴳宰官之與御風同爲累
物耳齊死生者无死无生者也苟有乎死生則雖大椿之與蟪蛄
彭祖之與朝菌均於短折耳故遊於无小无大者无窮者也
冥乎不死不生者无極者也若夫逍遙而繫於有方則雖放之
使遊而有所窮矣未能无待也。知音智本亦作智下大
知并註同下年知放此跛丘鼓反後同累劣僞反下皆同
奚
以知其然也朝菌不知晦朔蟪蛄不知春秋此
小年也楚之南有冥靈者以五百歲爲春五百
歲爲秋上古有大椿者以八千歲爲春八千歲
爲秋而彭祖乃今以久特聞衆人匹之不亦悲